

PYRO - „KINDER BLYYBE“

2019 - Text: D.Kern, Beat: M.Mory

TUNNELBLICK - LIECHT Y - ALLERERSCHTE OTEMZUG
UNBEDINGTI LIEBI - MAMA HEBT DR SOHN IN D LUFT
WÄRMI - GEBORGEHEIT ...SCHLOOFE UND D RÄSCHTE SPÖTR...
ALLES DREIT SICH NUR UM DICH...
REDE ..LAUFE ...READY ZUM DIE WAELT ERFORSCH
LEGO..BAUE..LÄBE HÜT AS GÄBTS KAI MORGE
JEDE DAAG ENTDECKER - ALLES NO UNBEKANNT
- FASZINATION - STUNDELANG
SO VIL GROSSES UND KLEINS - UND GANZ EGAL WELLI FARB
...UND NÜT MACHT MEH SPASS ALS IM PAPI SI BART
DR ERSCHTI KINDERGARTE - SOZIALE USTUSCH
AB JETZT GOHTS RASCH ASO HUSCH HUSCH
D PAUSEGLOGGE LÜTET - ES ISCH ZYYT ZUM ERWACHSE WÄRDE
DR ÄRNST VOM LÄBE - ISCH E BITCH
DU BISCH MITTE IM LÄBE ALLES UM DICH UME HET SICH GÄNDRET
ABER WAS VERÄNDERET DICH ?

UND PLÖTZLICH FINDER MR UNS SO VERSCHIEDE
MR KÖNNE NID FÜR IMMER **KINDER** BLIBE
UND ÜBRIG BLIBE NUMME PROBLEM UND DR ÄRNST VOM LÄBE
UND ALL DIE WÄG WO SICH ÄNDRE
UND PLÖTZLIGS FINDE SI SICH SO VERSCHIIIDE
LOH SE NO 1 E MOMÄNT KIND LOH BLIBE
VELLICHT SIN SI MORN ERWACHSE - UND HÄN SÄLBER KIDS
DORUM LOSNE HÜT DIE TROIM NO FÜR E AUGEBLICK

TUNNELBLICK - UFSTOH - VIEL Z SPOOT - PARATMACHE
ES WACHST KEINI BLUEME UF EM BODE VO DE TATSACHE

TROIM SIN ZERPLATZT WIE NE WASSERBALLON
DÄ JOB WO NR GÄRN HÄT KA -HET GRAD E ANDRE BEKO
ÄR DÄNGGSCH ALLI SIN WAS WORDE NUMME ICH NID -
SITZT - IN DR STUBE UND ÄR FROGT SICH WO DIE ZIEL SIN
UND JEDE DAAG WIRD EM BEWUSST DAS LANGSAM ZYYT DRÄNGT
ÄR KAUFT SICH TEMPORÄRS GLÜCK ABER S LÄBE WIRD EM NID GSCHÄNGGT
ALL SINI KOLLEGE HÄN E EIGES HUUS UND AUTO
DOCH GOHTS EM SCHLÄCHT DEN ISCH KAI SAU DO
ÄR BEKUNSCH E HASS UF DIE WÄLT UND JEDE GLÜCKLIGE MENSCH
UND ÄR WIRD BLIND DRVO SO BLIND - DASS R SIS GLÜCK NÜM ERKENNT
UND WÄR NID UFPASST UF SICH SÄLBER DÄ WIRD BITTER IM HÄRZ
UND ES GIT LÜT DIE NÜTZES DAS US UND JEDES MITTEL ISCH RÄCHT
DOCH S LÄBE ISCH NID IMMER SO EIFACH WIE - DIE ANDRE SIN SCHULD
DRUM LOH DI NIT LOH MITRISSE IN DÄM GANZE TUMULT

UND PLÖTZLICH FINDER MR UNS SO VERSCHIEDE
MR KÖNNE NID FÜR IMMER **KINDER** BLYBYE
UND ÜBRIG BLIBE NUR PROBLEM UND DR ÄRNSCHT VOM LÄBE
UND ALL DIE WÄRT WO SICH ÄNDRE
WEN HÄN MR AGFANGE AFO Z UNTERSCHIEDE,
UNS NUEMM DR WÄG SONDERN UFENANDER Z ZEIGE
WAS HET SE SO FESCHT VONENAND ENTFÄRNT

TUNNELBLICK - LIECHT US - ALLERLETSCHTE OTEMZUG
BISCH KO MIT LEHRE HÄND UND GENAUS SO ZUM URSPRUNG ZRUGG
ZYYT ISCH GRENNT AS GÄBTS S ÖBIS ZUM GWÜNNE
...SI MACHT KÖRPER ZUR HÜLLE
ERINNERIGE LAUFE VOR DE AUGEN AB WIE STUMMFILM
DAS HELLE LIECHT - KEI AHNIG OB DE ZRUGGFINDSCH
UND WENN DI NAME FALLT ... AN WAS ERINNERT SICH D WÄLT?

